

थुकि दुने



सरकारया पलाखय् प्रतिपक्षीया भूमिका
मालेज्या
दिलिप शाही 'शान्तियञ्जु' - २



'न्हापांगु खुसी सेनायात धिमेय बाज' व
लाखय् प्याखं स्यना'
कल्याण मित्र - ३



५६८ मिनेटधुंकाः अन्तर्राष्ट्रिय फुटबल्यु ने
पालया पदार्पण
प्रजित शाक्य - ६



नेवाः पत्रकार राष्ट्रिय दबूया च्याक्वःगु
दैँमुँज्याया थी थी लू
पेज ४-५

पत्रकार दबूया च्याक्वःगु दैँ मुँज्या क्वचाल

समावेशी व समानताया मुद्दाय् नेवाः पत्रकारतय् भूमिका

लहना संवाददाता

बहुल जाति, भाषा, धर्म ! नेपाःया राष्ट्रिय म्येय् हे थथे धयातःगु दु । नेपाःया म्हासिका धइगु हे थनया बहु जाती, उगु जातीया बहुल भाषा व बहुल धर्म हे खः । उकीसनं नेवाःतय् भाय्, तजिलजि ला नेपाःया पर्याय हे जुयाच्वंगु खँय् सुयां नितानि बिचाः दइमखु । आः तजिलजिया खँय् जक मखु, व्यावसायिक पत्रकारिताया विकासय् नं नेवाः पत्रकारतय् भूमिकाया खँय् सरोकारवालातय्सं बः ब्यूगु दु । वंगु शुक्रबाः मध्यपुर थिमि जूगु नेवाः पत्रकार राष्ट्रिय दबूया च्याक्वःगु दैँमुँज्याया वक्तातय्सं स्विनिगःया म्हासिका पाय्छि ठङ्गं बीगु जक मखसँ बीकेगु निति नं अले मातृभाषा पत्रकारिता ख्यःया विकासय् नं नेवाःतय् भूमिका महत्वपूर्ण जूगु खँय् बः बिल ।

ज्याइवल्यु नवासें वागमती प्रदेशया सांसद राजेश शाक्य पत्रकारितामार्फत स्विनिगःया सहि विवरण सम्प्रेषण याकेगु निति नेवाः पत्रकारत सक्रिय जुइमाःगु खँय् बः बियादिल । 'स्विनिगः दुने पत्रकारिता यानाच्चीपिं पत्रकारत अप्वः धइथे स्विनिगः पिनं वःपिं दु, उमिसं स्विनिगःया बारे बांलाक मस्यगुलिं बारम्बार गलत समाचार सम्प्रेषण जुयाच्वनेयः', सांसद



नेवाः पत्रकारिता क्षेत्रय् योगदान ब्यूपिं लिसें थःथःगु क्षेत्रय् सफलता चूलाकूपिं पत्रकारलिसें संचार गृहयात तकं सम्मान याःगु खः । जनआस्था वाःपौया प्रवन्ध सम्पादक वरिष्ठ पत्रकार राजेन्द्र स्थापितयात २० द्दः तका राशीया ज्ञानज्योति लक्ष्मीप्रभा सिरपाः लःल्हाःगु खः ।

शाक्यं धयादिल । 'मस्यूपिन्त माःगु जानकारी बियाः, हुंगु थाय् क्यनाबियाः स्विनिगःया पाय् छि समाचार सम्प्रेषण याकेत नेवाः पत्रकारतय्सं भूमिका म्हातिदिसँ ।'

मध्यपुर थिमि नगरपालिकाया प्रमुख मदन सुन्दर श्रेष्ठ जात्रापर्व भीगु पहिचान जक मखसँ भीगु सभ्यता नं जूगुलिं थुकियात

माःगु सतर्कता नालाः न्ह्याकेमाःगु खँय् बः बियादिल । अथे हे नेवाः देय् दबूया नायः नरेश ताम्रकार नेवाःया मुद्दायात नेवाः पत्रकारतय्सं मिसन पत्रकारिताया रुपं न्ह्यःने यंकेमाःगु बिचाः तयादिल । अथे हे, प्रेस काउन्सिल नेपालया कार्यवाहक नायः गोपाल बुढाथोकी धर्मादित्य धर्माचार्ययात मातृभाषाया न्हापाम्ह

पत्रकारया रुपं स्थापित याय्त प्रेस काउन्सिल पत्रकार दबूलिसे सहकार्य यानाः ज्याइवः न्ह्याकेत पहल याय्गु घोषणा यानादिल । नेपाल आदिवासी जनजाति पत्रकार महासंघया नायः दण्ड गुरुङ, राष्ट्रिय दलित पत्रकार संघया वरिष्ठ न्वकू गोपाल बराइली, पत्रकार दबूया निवर्तमान नायः श्रीकृष्ण महर्जन लिसें नं मातृभाषा पत्रकारिताया माध्यम भाषाया संरक्षणलिसें परम्परा, संस्कृति, सम्पदाया प्रवर्द्धन याय्फइगुलिं बः ब्युसें मातृभाषा पत्रकारिताया विकासया लागिं राज्यं विशेष प्याकेजया हे घोषणा याय्माःगु माग तयादिल । नेपाल पत्रकार महासंघपाखें गोविन्द चौलागाईं महासंघ समावेशी पत्रकारिताया पक्षधर जूगु दावी यानादिल ।

अथे हे, पत्रकार दबूया केन्द्रीय नायः सुरजवीर वज्राचार्य सत्य नारायण बहादुर श्रेष्ठयात पत्रकार महासंघया संस्थापकया रुपं मान्यता बीकेत पत्रकार दबूपाखें निरन्तर सः ल्हवनावयागु धासें थुकी आदिवासी जनजाति पत्रकार महासंघ, मधेशी पत्रकार महासंघ लगायतया भाषिक संघसंस्थापाखें ग्वाहालिया अपेक्षा तयादिल । दबूया केन्द्रीय दांभरिं सुरेन्द्रभक्त श्रेष्ठ पत्रकारतय् स्वास्थ्य समस्याय् ग्वाहालि याय्गु निति नीस्वानुग कोषयात ५० लख थ्यंकेगु घोषणा यानादिल ।

त्यं ७ पेजय्

फोहोर विसर्जनय् थनातःगु पंगः चीकल

ल्याण्डफिल्ड साइटया प्रभावितपिनिगु माग येँ महानगरपालिका पूर्वकाबीगु जुइवं सिसडोलय् फोहोर वाकेबीगु जूगु दु । वंगु शुक्रबाः सिसडोल ल्याण्डफिल्ड साइटया स्थानीयसहित जनप्रतिनिधिपिंलिसेया सहलहस उमिगु माग येँ महानगरपालिका पूर्वकाबीगु सहमति जुइवं सिसडोलय् फोहोर विसर्जनय् थनातःगु पंगः चीकाबीगु जूगु खः । सहमति जुइधुंकाः येँय् थाय्थासय् मुनाच्वंगु फोहोर मुनाय्केगु नं न्ह्याःगु दु । फोहोर मैला प्रभावित क्षेत्र शिक्षक व्यवस्थापन सङ्घर्ष समिति व स्थानीय बासिन्दातय्सं थीथी माग तयाः वंगु चैत १३ गतेनिसें विरोध प्रदर्शन यासें फोहोर बिसर्जनय् पंगः थनावःगु खः ।

येँया राष्ट्रिय सभागृहस जूगु सहलहया इवल्य् उमिगु माग सम्बोधनया लागिं येँ महानगर प्रमुख विद्यासुन्दर शाक्य प्रभावित क्षेत्रया वासिन्दाया शिक्षा व स्वास्थ्य क्षेत्रया लागिं तःगु माग सम्बोधन याय्गु प्रतिवद्धता प्वंकादीगु खः । स्वास्थ्य लगायत हुं मागया बारे थप सहलह यानाः व्यवस्थित ढंगं न्ह्याःवनेफइगु नं शाक्यं धयादिल ।

उगु इलय् धुनिवेसी नगरपालिका प्रमुख बालकृष्ण आचार्य येँ महानगरपालिका सिसडोल ल्याण्डफिल्ड साइट प्रभावित क्षेत्रया पुर्वाधार विकासया लागिं बीगु धाःगु

ग्वाहालिया प्रशंसा यानादिल । ककनी गाउँपालिका वडा-३ या वडाअध्यक्ष घननाथ बजगाईं फोहोर विसर्जनया निति दनाच्वंगु अवरोध आः मदइगु धयादिल । 'प्रभावित क्षेत्रया ५१ शिक्षकया अस्थायी दरबन्दीया लागिं येँ महानगरपालिका तत्कालया लागिं खर्च फय्गु, जग्गा अधिग्रहणया सन्दर्भय् विज्ञ टोली दय्काः प्रक्रिया न्ह्यःने यंकेगु लिसेंया सहमति जूगु दु । थुगु सहमतिलिसें फोहोर विसर्जनया निति दनाच्वंगु पंगः आः चीकूगु दु' बजगाईं धयादिल ।

येँ महानगरपालिका वातावरण विभागया प्रमुख हरि श्रेष्ठ नुवाकोटया ककनी गाउँपालिका व धादिङ्ग धुनिवेसी गाउँपालिकाया पुर्वाधार विकासया लागिं मेगु आर्थिक दँया बजेटय् ३-३ करोड व्यवस्था याय्गु, धुनिवेसी नगरपालिकायात एम्बुलेन्स न्यानाबीगु लिसेंया विषयस सहमति जूगु जानकारी बियादिल ।

उमिगु मागया सम्बन्धय् बुधबाः नं येँया राष्ट्रिय सभागृहय् सहलह जूगु खः । सहलहयात लिपांगु रुप बियाः निर्णयल्य् थ्यनेगु धासें बिहिबाः च्वंगु वैठक धाःसा महानगर प्रमुख शाक्यया मिखाय् समस्या खनेदय्वं दथुइ हे दिकेमाःगु खः । शुक्रबाःया वैठक नं शाक्यया मिखाय् समस्या जुइक जुइक हे च्वंगु महानगरपालिका न्ह्यथंगु दु ।



सम्पादकीय

सत्ताया कुर्सीइ अज्याःगु
छु दु गुकिं जनताया
पक्षय् नवाके बी मखु ?

नेवाः विषयवस्तुयात कयाः थौं कन्हय् निगू भिडियो भाइरल जुयाच्चंगु दु। छगू भिडियो लय् धयाच्चंगु दु, 'नेवाः तय् गुथि स्यंकल, छु मतलब, नेवाः तय् सभ्यता न्हंकल, छु मतलब, नेवाः तय् संस्कृतिइ आक्रमण जुयाच्चन, छु मतलब। छु मतलब धाधा नेवाः तय् पहिचान तनावनाच्चन, अयूसां छु मतलब।' छगू जाइवलय् केशरबहादुर विष्ट थथे धयादीगु खः। अथे हे छम्ह नेताया भाषणया मेगु छगू भिडियो भाइरल जुयाच्चंगु दु। छगू ज्याइवलय् माओवादी केन्द्रया नायः पुष्पकमल दाहाल प्रचण्ड धयादिल, 'सडक विस्तारया नामय् नेवाः तय् छै थुनेगु अधिकार राज्ययात मदु।'

निम्हेसियां खँ सत प्रतिशत पाय्छि। नेवाः तय् हरेक इलय् छुं नं छुं कथं प्रहार हे जुयाच्चन। गबलें भाषिक कथं, गबलें सामाजिक कथं, गबलें छु सा गबलें छु। न्हापा नेवाः भासं च्वल कि जेलय् कुनाबीगु राणाकालनिसें २२ सालय् रेडियो नेपालय् जीवन दबू ज्याइवः लिकाःगु जुइमा वा २०५६ सालय् स्थानीय निकायलय् स्थानीय भाय् छयलेमदु धकाः सर्वोच्च अदालतं काठमाडौं महानगरपालिकाय् नेवाः भाय् छययेकेमब्युगु खँ हे जुइमा। भाषाय् प्रहार ताः इलनिसें जुयाच्चंगु दु। आः वयाः गुथि विधेयकया नामय् नेवाः तय् गुथिइ राज्यं हस्तक्षेप यायेत स्वल। अले सडक विस्तार, फास्ट ट्राय्क आदिया नामय् नेवाः तय् छै धमाधम थुना हे च्वंगु दु।

छुं जातियात समाप्त यायेगु खःसा दक्कले न्हापां वया भाषा स्यानाछ्वयेमाः हं। वयां लिपा उमि संस्कृति न्हंका छ्वयेमाः हं अले वयां लिपा उमिगु भूमि लाकाकायेमाः हं। नेवाः तय् थ्व हे त्याखं चरणवद्ध रूपं आक्रमण जुयाच्चंगु खनेदु। अथेसां नेवाः तय् छु मतलब हे जुयाच्चंगु दु। थुकी सः थन, नेवाः तय् थनेत स्वल गैर नेवालं। नेवाः समुदायप्रति गैर नेवाःया च्यूताः च्वछायेबहःजू धायेला माःगु हे जुल। उकिया नापं नेतातय् थज्याःगु खँय् सत्ताय् दुगु इलय् छाय् बिचाः मवंगु जुइ धइगु न्हयसः नं दनीगु हे जुल।

छम्ह पुर्व प्रधानमन्त्री आः वयाः सरकारया आलोचना याये त थज्याःगु मुद्दा ल्हवनेबलय् थः सत्ताय् दुबलय् छु याना धइगु लुमंके माः थें च्वं। थ्व खँ सुं नेता विशेषया नितीं जक मखु, हरेक राजनीतिक दलया नेतातय्सं प्रतिपक्षय् लाइबलय् नेवाःया पक्षय्, जनताया पक्षय् ततःधंगु भाषण बी तर सत्ताय् दइबलय् दमनया ज्या नं व हे नेताया नेतृत्वय् न्ह्याःवनी। थज्याःगु प्रवृत्ति खनीबलय् सत्ताय् अज्याःगु छु खँ दु गुकिं उमि नेतातय् जनताया पक्षय् नवाके बी मखूगु जुयाच्चन धकाः जिज्ञासा वा शंका छाय् मदनी ?

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ। छिकपिसं छ्वयादीगुयात थुगु वाःपतिइ थाय् बियाच्चन। पिदंगु च्वसुयात उचित पारिश्रमिक बीगु नं सुचं बियाच्चन।

लहना वाःपौ

भोछें, यें

lahana.news@gmail.com

सरकारया पलाखय्
प्रतिपक्षीया भूमिका मालेज्या

सर्वोच्चया निर्णय लिपा संसद चालु जुयाच्चंगु दु। तर वर्तमान सरकार संसदयात माःगु बिजनेस धाःसा बीगु ज्या यानाच्चंगु मदु। थ्व नं छगू प्रतिगमनया निरन्तरता खः। बिजनेस मदय्वं संसदं छुं नं ज्या याय्फइगु अवस्था मदु।



दिलिप शाही 'शांतिचञ्जु'

प्रधानमन्त्री केपी शर्मा ओली संसद भंग याःगु संसदयात सर्वोच्च अदालतं पुर्नजिवित याय्धुंकाः छगू कथं देय्या राजनीति अन्वैयलय् लानाच्चंगु दु। आःया सरकार अल्पमतया सरकार खः वा बहुमतया सरकार धइगुबारे अभ्र नं बहस जारी जुयाच्चंगु दु। सर्वोच्च अदालतं संसद पुनर्स्थापना याय्धुंकाः न्हगु सरकार गठन याय्गुलिं राजनीतिक दलत लिबाकाच्चंगु खँय् धाःसा बुद्धिजीवी खयलनिसें आम सर्वसाधारण जनतां थुइके थाकुयाच्चंगु दु।

प्रधानमन्त्री केपी शर्मा ओली ल्हवंगु प्रतिगमनया पलाः भिकेगु ज्या राजनीतिक दलतय्गु खः। तर न्हगु सरकार गठन याय्गुलिं राजनीतिक दलत थःथवय् अर्निणयया बन्दी जुयाच्चंगु दक्कले ग्यानापूगु प्रतिगमन जुइफु। आः वयाः नेपाली कांग्रेस, माओवादी केन्द्र व जसपा मिले जुल धाःसा सरकार गठन याय्फइगु अवस्था दु। तर माओवादी केन्द्र व जसपा समर्थन यानाच्चंसां नं कांग्रेसया सभापति शेरबहादुर देउवा धाःसा सरकार गठन याय्गुलिं लिचिलाच्चंगु धइगु गनं देउवा व प्रम ओली दुने साँठगाँठ जकं मदुला धइगु न्हयसः ब्वलनाच्चंगु दु।

मेगु इलय् जूसा सभापति देउवा थःगु नेतृत्वय् सरकार गठन याय्त हथाय् चाइगु खः। तर आः निगू पार्टी सरकारया नेतृत्व या धालं नं सरकार गठन याय्गुलिं देउवा न्हयमच्यूगुयात कयाः थीथी कथंया चर्चा जुयाच्चंगु दु। सरकारया नेतृत्व याय्गु नितीं मेगु राजनीतिक पार्टी समर्थन बियाच्चंगु जक मखु, नेपाली कांग्रेसया वरिष्ठ नेता रामचन्द्र पौडेल लिसें प्रकाशमान सिंह लगायत नेतातय्सं नं कांग्रेसया नेतृत्वय् सरकार गठन जुल धाःसा थःपिनिगु समर्थन दु धयाच्चंगु इलय् देउवा लिच्यूगुया कारण छु खः धइगु न्हयसः ब्वलनीगु स्वभाविक खः।

खय्तला देउवा सरकार नीस्वनेगुलिइ लिच्यूगु थीथी कारण दय्फु। उकिइ मध्ये छगू कारण खः, पार्टीया न्हयःने वयाच्चंगु महाधिवेशन। यदि थम्हं सरकारया नेतृत्व यात धाःसा पार्टीया महाधिवेशनय् पार्टी थःगु ल्हातय् मलाइगु ग्याःचिकु छखे देउवायात जुयाच्चंगु जुइफु। उकथं हे आःया न्हगु राजनीतिक परिस्थितिइ थम्हं सरकार सञ्चालन याय्बलय् आः तिबः बी धाःगु राजनीतिक पार्टीतय्सं दथुइ तुं त्वःतीगु खःला धइगु मेगु ग्याःचिकु नं देउवा दुने ब्वलनाच्चंगु जुइफु। गुकिया कारणं देउवा सरकार गठन याय्त लिचिलाच्चंगु खःला ? धइगु न्हयसः थन ब्वलनाच्चंगु दु।

राजनीति देय् व आम जनताया नितीं याय्गु खः। व उकिया नितीं राजनीतिक नेतृत्वपिसं देशय् गुगु नं कथंया संकट बल धाःसा उकियात निकास बीत न्हयचिलेमाःगु

थौया आवश्यकता जुयाच्चंगु दु। राष्ट्रिय आवश्यकतायात राजनीतिक दलया नेतातय्सं थुइके मफुत धाःसा देय् गुगु हालतय् लाइ धकाः आः हे निक्योल यानाः धाय्फइगु अवस्था मदु। अथे जुयाः आःया आवश्यकता धइगु न्हगु सरकार गठनया नितीं थःत न्हयःने न्हयब्वय्माःम्ह कांग्रेस सभापति देउवा राजनीतिक रूपं नाफा घाटा स्वायाच्चनेगु ई पक्का नं मखु। थ्व ई धइगु गुलिफु उलि याकनं वर्तमान प्रधानमन्त्रीयात बिदा बियाः न्हगु सरकार दय्केगु व राष्ट्रियता, संघीयता व स्थानीय निकाययात बल्लाकेमाःगु आवश्यकता थौं जुयाच्चंगु दु।

थौया आवश्यकतायात थुइकाः राजनीतिक पार्टीया नेतातय्सं निर्णय याय्माःगु वर्तमान अवस्थाय् राजनीतिक नाफा घाटाया बिचाः याय्गु मखसं देय् या आवश्यकतायात कयाः बिचाः याय् माःगु खः। तर थौं उगु ज्या जुयाच्चंगु मदु। अथे धइगु राजनीतिक पार्टीया नेतात देय् या आवश्यकता छु खः धकाः थुइकेत तकं

मदु। थ्व नं छगू प्रतिगमनया निरन्तरता खः। बिजनेस मदय्वं संसदं छुं नं ज्या याय् फइगु अवस्था मदु। तर सरकार धाःसा बिजनेस बीगु छुं हे कुतः यानाच्चंगु मदु। अथे धइगु आःया अवस्थाय् संसद धइगु किसिया क्यनेगु वा जक जुयाच्चंगु दु। थुकियात पनेगु खःसां नं आः याकनं हे न्हगु सरकार गठनपाखे राजनीतिक पार्टीत वनेमाःगु आवश्यकता थौं जुयाच्चंगु दु। मखु आः वयाः न्हगु सरकार दय्केमफुत धाःसा निश्चित दु, थ्व संसदं छुं हे ज्या याय् मफय्क भंग जुइ। गुकिया लिचः नेपाःया संसदीय इतिहासया नितीं दक्कले बांमलाःगु ई जुइगु सम्भावना दु।

अथेजुयाः ई दुगु इलय् राजनीतिक पार्टीतय्सं न्हगु सरकार गठनया नितीं पहलकदमी काय्माःगु आवश्यकता थौं जुयाच्चंगु दु। आःया अवस्थाय् पार्टीगत वा व्यक्तिगत नाफा घाटाया ल्याःचाः यानाच्चनेगु खःसा गुगु नं इलय् देय् हाकनं प्रतिगमनया लँपुइ वनेफु। थौं राजनीतिक अवस्थातक वय्त आपालं संघर्ष जूगु दु। देय्या आपालं



खय्तला देउवा सरकार नीस्वनेगुलिइ लिच्यूगु थीथी कारण दय्फु। उकिइ मध्ये छगू कारण खः, पार्टीया न्हयःने वयाच्चंगु महाधिवेशन। यदि थम्हं सरकारया नेतृत्व यात धाःसा पार्टीया महाधिवेशनय् पार्टी थःगु ल्हातय् मलाइगु ग्याःचिकु छखे देउवायात जुयाच्चंगु जुइफु। उकथं हे आःया न्हगु राजनीतिक परिस्थितिइ थम्हं सरकार सञ्चालन याय्बलय् आः तिबः बी धाःगु राजनीतिक पार्टीतय्सं दथुइ तुं त्वःतीगु खःला धइगु मेगु ग्याःचिकु नं देउवा दुने ब्वलनाच्चंगु जुइफु।

तयार मजुयाच्चंगु खः वा थःगु स्वार्थ कथं जक देय्या नेतृत्व बीगु यानाच्चंगु धइगु खँ आः वयाः स्पष्ट जूगु दु।

प्रधानमन्त्री ओलीया प्रतिगमन भिकेगु ज्या सर्वोच्च अदालतं याःगु मेगु निर्णय पूर्ण रूपं राजनीतिं प्रेरित जुयाच्चंगु द्वपं स्वयम् राजनीतिक पार्टीतय्सं बियाच्चंगु दु। नेकपायात विघटन यानाः पुलांगु पार्टी कथं याःगु निर्णययात कयाः पुनरावेदनया नितीं ब्यूगु निवेदनयात सर्वोच्च अदालतं अस्वीकार याय्वं प्रधानमन्त्री थःगु डिजाइन सफल जूगु विश्लेषण यानाः आः हाकनं यदि सरकार क्वथलेत स्वल धाःसा वा थःत बियातःगु समर्थन लित काल धाःसा अभ्र नं संसद विघटन याय्गु ख्याच्चः बियाच्चंगु अवस्था दु। अले यदि प्रम ओली अज्याःगु पलाः ल्हवना धाःसा उकिया विकल्प छु जुइ धइगु न्हयसः नं थन ब्वलनाच्चंगु दु।

सर्वोच्चया निर्णय लिपा संसद चालु जुयाच्चंगु दु। तर वर्तमान सरकार संसदयात माःगु बिजनेस धाःसा बीगु ज्या यानाच्चंगु

सहिदपिसं देय् व जनताया हितया नितीं धकाः थःत याःगु बलिदानीयात सितं मवकेगु खःसा राजनीतिक नेतातय्सं गुलिफु उलि याकनं न्हगु सरकार दय्केगु लँपु चाय्केगु हथाय् जुइधुंक्नु दु। आः प्रधानमन्त्री ओली ल्हवनाच्चंगु पलाःयात इलय् भिकेगु दायित्व विशेष यानाः नेपाली कांग्रेसया सभापति शेरबहादुर देउवायाके वनाच्चंगु दु। अले वर्तमान लोकतन्त्रयात संस्थागत यानाः विकास याय्गु दायित्व नं वय्कःयात हे दु। यदि देउवा इलय् सरकारया नेतृत्व बियाः लोकतान्त्रिक गणतन्त्रयात संस्थागत याय्गु खःसा राजनीतिक रूपं वय्कःयात घाटा मखु नाफा हे जुइ। थ्व इलय् वयाच्चंगु मौकायात वय्कलं क्यास याय्फइगु खः वा मखु धइगु न्हयसः थन ब्वलनाच्चंगु दु। गुगु नं निर्णय इलय् मजुल धाःसा उकिं फाइदा मखु बेफाइदा जूगु आपालं इतिहास दु। भीगु नितीं नं थ्व ई हाकनं छकः न्हगु इतिहास निर्माण याय्गु दायित्व वयाच्चंगु दु। उकियात पूर्वकेमाःगु आवश्यकता थौं जुयाच्चंगु दु।

‘न्हापांगु खुसी सेनायात धिमेय् बाजं व लाखय् प्याखं स्यना’

सेनानी विकास शाक्य वसन्तपुरस्थित शार्दुलजङ्ग गुल्मया गुल्मपति खः । यलया नांजाःम्ह बुंगद्यः, यँया जनबहाःद्यः व कुमारीया रथयात्रा लिसें स्वनिगःया ५६ धार्मिक, सांस्कृतिक व ऐतिहासिक महत्वया जात्रापर्वय् थ्यनीगु गुरुजु पल्टनया टोली व हे गुल्मपाखें खटेजुइ । गुल्मपतिया भाला निर्वाह याथगु इवलय् गुरुजु पल्टनया टोलीप्रति जनताया अपनत्व अभ् थकाय्त, सम्पदा संरक्षणमार्फत नेपाली सेना व जनता दथुइया स्वापू बल्लाकेत याःगु कुतःबारे सेनानी शाक्यलिसे लहना वाःपौया लागिं **सुनील महर्जनं** यानादीगु खँल्हाबल्हाया सम्पादित अंश न्ह्यब्वया :

नेपाली सेनाय् वनेगु बिचाः छिके गुकथं वल ?
जि चाबहीया कुटुबही (बौद्ध विहार) य् नेवाः समुदायलय् बूम्ह मनू खः । जिम्ह अबुजु बुबा शाक्य व मां क्षेत्री खः । मांया तता (तमां) या काय्, अथे धाय् बलय् जिम्ह दाजु जर्नेल खः । चीधिकःबलय्निसें हे वय् कःया हाउभाउ, स्वभावं जितः आर्मीपाखे साःगु खः । थ्व हे आकर्षणया हुनिं २०५६ सालपाखे नेपाली सेनाय् भर्ना जुइत ताःलात । न्हापांगु खुसी बुटवलया सबुजगणय् जिगु पोष्टिङ जुल । अनं तालिम कय् छसीकथं अर्घाखाँची, प्यूठान, धादिङबेसी गणय् ज्या याना । थन वय् स्वयां न्ह्यःतक्क युद्ध भैरव गणय् आर्मी विशेषय् फोर्सय् ज्या यानाच्चनागु खः ।

सेनाया विशेष फोर्सपाखें कार्यप्रकृति पाःगु शार्दुल जङ्ग गुल्मय् छवःबलय् छितः शुरु शुरुइ भचा मछिं थें महसुश मज्जला ?
शुरुइ भचा भचा मछिं ला महसुस जगु पक्कां हे खः । उकिया नित्ता स्वता कारण दुगु खः । छगू जि विशेष फोर्सय् ज्या यानाच्चनागु खः । अनया ज्या व जिम्मेवारीया ल्याखं शार्दुल गुल्मया ज्या भचा पाःगु हे खः । थुकिं यानाः जिम्मेवारीया क्षेत्र भचा संकुचित जगू महसुस जुल । निगुगु, जि स्वयां न्ह्यःतक्क अवकाश काय्त्थीपिं भचा वयष्कपिन्त छ्वयगु याइगु खः । नेपाली सेनाय् करिअर दय्केगु इवलय् दुम्ह मनूयात थुकथं छाये छ्वल धइगु नं पलख ला ताःगु हे खः ।

अथे हे, जितः थनया गुल्मपतिया जिम्मेवारी ब्यूगु खँ आपाःसिनं उत्साहलिसें काःगु खना । थनया स्थानीय परिवेश थूम्ह सेना छ्वयाहःवगुलिं थन न्हापा न्हापा मज्जु हुंन हुं महत्वपूर्ण ज्या जुइ, जुयाच्चगु ज्यात अभ् बांलाक जुइ धकाः सैनिक मुख्यालयं सिनियर व सहकर्मीतय्सं आशा व विश्वास काःगु सिल । जिगु विशेष रुचियात स्वयाः हे सैनिक मुख्यालयं थ्व जिम्मेवारी ब्यूगु धकाः आपाःसिनं जितः धाःगु खः । थ्वयां न्ह्यः जि बगू थाय् चाबहीस्थिल पिङ्गला विहारया संरक्षण, अनया सतःफल्चा, चैत्यया मर्मत व पुनर्निर्माण, अर्घाखाँचीया म्यालपुखूया संरक्षणया लागिं कुतः याःगु खः । व ज्यां स्थानीय समुदाय तसकं लय्ताःगु खः । सरोकारवालातपाखें नेपाली सेनां यक्व हे स्याबासी काःगु खः । सेनाप्रति स्वयगु जनताया दृष्टि ह्यगु आपाःसिनं अनुभव याःगु खः । सहकर्मी व सिनियरपिनिगु सुभावे, ब्यूगु उत्साह व सम्पदा संरक्षणय् ज्या यानाच्चगु पक्षयात बिचाः याना वनाबलय् गुल्मपतिया जिम्मेवारीयात ज्या यायगु विशेष ह्वःताःया रुपं कया ।

गुल्मपति रुपं आःतक्क छिं छु छु ज्या यानादीधुन ?
तःधंगु चीधंगु यानाः राष्ट्रिय महत्वया ५६ जात्रापर्वय् वनीगु गुरुजुया पल्टनया टोली थ्व हे गुल्मं खटे जुयावःगु दु । उगु जात्रापर्वय् गुरुजुया पल्टनया सहभागीता अनिवार्य नाली । गुरुजु पल्टनया सहभागीता बिना उगु जात्रापर्वया शुभारम्भ मज्जुइगु चलन आःतक्कं दिन । गुरुजुया पल्टनया सहभागीता जुजु पृथ्वीनारायण शाहया पालनिसें न्हयानावःगु छगू परम्परा खः । नेपाली सेनायात स्वनिगःया धार्मिक, सांस्कृतिक परम्परा व पर्वलिसे



स्वानाच्चंगु महत्वपूर्ण ब्व थ्व हे गुल्म खः । उगु पर्वय् सहभागी जुइगु गुरुजु पल्टनप्रति जनताया अपनत्व अभ् थकाय्गु, सांस्कृतिक भूमिकायात अभ् प्रभावकारी दय्केगुपाखे शुरुइ हे जिगु ध्यान वन ।
नेवाः समुदायलय् १२ ला तक्क १२ धुन हे थाय्गु परम्परा दु । थीथी पर्व व ऋतुइ बिस्क् बिस्क् धुन व लय प्रचलित दु । गुरुजुया पल्टनयात इतिहासय् हे न्हापांगु खुसी थीथी बाजा गुर्या ग्वाहालि कयाः उगु धुन व लयबारे प्रशिक्षण बिया । जात्रापर्वया ई व विशेषता कथं थाइगु लयबारे लांलां बिकाः तालिम नं बिया । निर्देशन कथं गुरुजुया पल्टनं उगु धुनत थाय्गु नं न्ह्याकेधुनागु दु ।
अथे हे, बाजं गुरु धर्म मूनिंकारया ग्वाहालिइ धिमे बाजं प्रशिक्षण बिया । १ लख तका खर्च यानाः धिमय् बाजं न्याना । सेनाया टिमयात लाखय् प्याखं स्यना । थुगुसी पृथ्वी जयन्तीया दिनय् सैनिक मुख्यालयस जगु विशेष ज्याइवलय् न्हापांगु खुसी धिमे बाजं व लाखय् प्याखंया साँस्कृतिक भौकीं क्यनेत ताःलात । सेनां धिमे बाजं थाःगु लाखय् प्याखं हगु प्रधानसेनापति पूर्णचन्द्र थापालिसें पृतनापतिलगायतं विशेष अभिरुचि कयाः स्वयादीगु खः । अथे हे, स्वनिगःया पृतनापतिं गुल्मया ज्याप्रति सराहना प्वकादिल । थ्व हे चैत्र ८ गते होली न्ह्याःगु संकेत बीत वसन्तपुरय् परम्परा कथं चीर स्वाय्गु उत्सवय् गुल्मया सेनाया टिम धिमे बाजं थानाः पिहांवःगु खः । अथे हे, जवानतय् नय्गु, च्वनेगुलिसेंया बन्दोबस्तीयात फक्क बांलाकेगु कुतः याना ।

थुगु ज्याप्रति सर्वसाधारण जनताया प्रतिक्रिया गज्याःगु वल ?
जात्रापर्व, रथयात्राय् सेनां थनया प्रचलित धुन, लय थाःबलय् गुरुजु पल्टनया टिमप्रति जनताया अपनत्व अभ् अप्वःगु महसुश यानागु दु । स्थानीय परिवेश व संस्कृति सम्पदाप्रति रुचि दुपिं सेनानी छ्वःवगुलिं आःतक्क मज्जु ज्या जगू धइगु सर्वसाधारण, स्थानीय गुथियार, सम्पदाप्रेमी, संस्कृतिप्रेमी प्रतिक्रिया ब्यूबलय् लसताया

महसुश जुइगु याः ।
थनया अमूर्त संस्कृति व परम्पराप्रति नेपाली सेनां सम्मान याःगु प्रतिक्रियात वयाच्चंगु दु । जात्रापर्वय् गुरुजु पल्टनया सहभागीतामार्फत जनता व सेनाया स्वापू अभ् सतीगु अनुभूति जुल । थनया थीथी ज्याइवलय् सःताः जिमित सम्मान, कदरपत्र व प्रशंसा पत्र बिल ।

पुरात्तात्विक महत्वया सामग्री व सम्पदा संरक्षणय् छु छु ज्या यानादिया ?
शार्दुल जङ्ग गुल्म यँया नुगः वसन्तपुरय् अवस्थित दु । विश्व सम्पदा क्षेत्रय् दुगु थुगु गुल्मया ज्या नं सम्पदा संरक्षण व संस्कृतिलिसे स्वभाविक रुपं स्वानाच्चंगु दु । बैशाख १२ गतेया भुखाचय् क्वदःगु देगः, धरोहरया पुरात्तात्विक महत्वया रिं, मूर्तिलिसें मेगु सामग्रीत हेरचार व सुरक्षा यानाच्चनागु दु । हनुमान ध्वाखा दरबार क्षेत्र दुने दुगु मूर्तित संरक्षण, वांछ्वयातःगु मूर्तित, पुलां पुलांगु सामग्रीतय् पाय् छि थासय् तय्गु, सरसफाई नियमित रुपं यानावयागु दु ।
आः वसन्तपुर क्षेत्रय् अव्यवस्थित पार्किङ चीकेगु, लँ जःखः कलात्मक गमला तय्गु ज्याय् गुल्मया सक्रिय भूमिका दु । थुगु ज्याय् नेपाली सेनालिसें नेपाल प्रहरी, सशस्त्र प्रहरी, दरबार हेरचाह अड्डा, यँ महानगरपालिका, स्थानीय समाजसेवी, सम्पदाप्रेमी, क्लब, संघसंस्थाया नं सक्रियता दु । थुकिं यानाः आः वसन्तपुर जःखः आः पार्किङ मन्त सा दरबार क्षेत्रया शोभा कायम जगू दु । थुकियात सहकार्यया छगू नमूनाया रुपं काय्फइ ।

सम्पदा क्षेत्रय् शुरुनिसें ज्या यानादिल, उकिया महत्व थुइकादिल । छिगु मातहतया सैनिकतय् सम्पदाया महत्व थुइकेत छु छु यानादिया ?
गुल्मपतिया रुपं जिगु आज्जु धइगु तजिलजि, सम्पदा संरक्षणय् गुल्मया भूमिकामार्फत सेना व जनता दथुइया स्वापू बल्लाकेगु खः । सेनाप्रति जनताया अपनत्व थकाय्गु ज्या याय्गु खः । नेपाली सेना व जनता दथुइया स्वापूया इतिहासबारे जानकारी बीगु विषय जिगु प्राथमिकताय्



विकास शाक्य
सेनानी एवं गुल्मपति, शार्दुल जङ्ग गुल्म

तया । थ्व हे आज्जु वरिष्ठ कलाकार हरिप्रसाद शर्मा च्वयादीगु जुजु पृथ्वीनारायण स्वनिगः त्याकेधुंकाः कुमारीया ल्हातं सिन्हः त्यूगु, जुजु जयप्रकाश मल्लं तलेजु भवानीलिसे पासा मिह्नुगु, स्थानीयया अपनत्व अप्वय्केत संस्कृति व गुरुजु पल्टन दथुइया स्वापू उजागर याइगु अंगः च्वाकिपात गुल्म परिसरय् तया । ताकि थनया प्रत्येक जवानतय्सं थनया तजिलजि, इतिहास थुइकाः सम्पदाया महत्वय् अभ् क्रियाशील जुइफ्यमा ।

चान्हि सम्पदा संरक्षणय् खटेजुइपिं गुल्मया थःगु ज्याकू सम्पदा मैत्री मज्जु सः इलय्ब्यलय् वय्गु याः । थ्वबारे छिगु छु बिचाः दु ?
गुल्म थनया सम्पदा संरक्षणय् चान्हि खटे जुयाच्चंगु दु । अभ्रं नं जिपिं हनुमानध्वाखा दरबार क्षेत्र दुने अस्थायी टहरा दय्काः च्वंच्वनागु दु । थन नं सम्पदामैत्री कलात्मक शैलीइ गुल्मया ज्याकू दय्माःगु आवश्यकता दु । थुगु थाय् या महत्व, सेनाया भूमिकायात स्वयाः गुल्मया कलात्मक ज्याकू दय्केत सम्बद्ध पक्षं कुतः याःसा गुल्म अभ् प्रतिबद्ध जुयाः खटे जुइत उत्साह चूलाकी ।

श्रमिकहरूको मौलिक अधिकारको सम्मान गरौं ।
सबै प्रतिष्ठानहरूले न्यूनतम पारिश्रमिक प्रदान गर्न
आनाकानी नगरौं ।



नेपाल सरकार
सञ्चार तथा सूचना प्रविधि मन्त्रालय
सूचना तथा प्रसारण विभाग





निशुल्क मिखा जाँच शिविरय् मिखा दान व छ्यंगू दान नं जुल



युवक बौद्ध मण्डल नेपालया ग्वसालय् निशुल्क मिखा जाँच शिविर जूगु दु। ग्वसा: खल:या भवन परिसरय् आँखा अस्पतालया प्राविधिक ग्वाहालिइ शनिबा: जूगु शिविरय्

अनुभवी चिकित्सकपिन्सं मूक्कं २८७ म्हेसियागु मिखा जाँच यागु खः। उपिमध्ये मोतियाबिन्द खनेदुपिं १० म्हेसिगु शल्य क्रिया आँखा अस्पताल त्रिपुरेश्वरय् याइगु ग्वसा: खल:या स्वास्थ्य उप समितिया कजि हेमरत्न बज्राचार्य जानकारी बियादिल। शिविरय् इच्छुक मन्तयसं मरणोपरान्त मिखा दान व छ्यंगू दान नं या:गु खः।

समाजसेवी मोतिशान्ति शाक्यया संयोजकत्वय् जूगु मिखा जाँच शिविरपाखें मिखाया उपचार याकूपिन्सं शिविरयात छगू च्वछाय्बहगु शिविर धा:गु खः। ग्वसा: खल:या नाय:अरणीतारा बज्राचार्य संस्थापाखें स्थानिय, राष्ट्रिय व अन्तर्राष्ट्रिय धार्मिक, सामाजिक, शैक्षिक, स्वास्थ्य व सेवामुलक ज्याइव: जुयाव:गु जानकारी बियादिल।



यें या यतखा त्वालय् दुगु कंग अजिमा द्य:छेंया पुनर्निर्माण क्वचा:गु दु। २०७२ सालय् भुखाचं स्यंगु अजिमाया द्य:छेंया पुनर्निर्माण क्वचा:गुलिसें थुकिया औपचारिक रुपं उलेज्या नं या:गु दु। यें महानगरपालिकाया अगुवाइलय् पुनर्निर्माण जूगु द्य:छेंया महानगर प्रमुख विद्यासुन्दर शाक्यं उलेज्या यानादिल।

ज्याइवल्य महानगर प्रमुख शाक्यं भुखाचं याना: स्यंगु सांस्कृतिक सम्पदाया पुनर्निर्माण, जिर्णोद्धार महानगरपालिकां यानावयागु खें न्हयथेंसें गन त्व:फ्यगु दुसा महानगरयात जानकारी याकेत इनाप यानादिल। यें या पुरातात्विक सम्पदा म्वाकातय्त महानगरपालिका न्ह्याबले तयार दूगु शाक्यं धयादिल।

‘छन्त नापलाय् सातकि’ प्रिमियर जुल

‘छन्त नापलाय् सातकि’ बोलया छपु म्येया म्युजिक भिडियो प्रिमियर जूगु दु। नेवा टिभि एचडी प्रत्यक्ष प्रसारणपाखें छगू औपचारिक ज्याइव: याना म्येया प्रिमियर या:गु खः। ज्याइवल्य यें महानगरपालिका वडा १३ या पुलांम्ह वडा सदस्य समाजसेवी दिलबहादुर मानन्धरं म्ये सार्वजनिक यानादिल। म्येय प्रिमियर ज्याइवल्य नेपालभाषाया न्हापांम्ह म्युजिक भिडियो निर्देशक विजयरत्न असंबरे प्रिमियर जूगु म्येया समीक्षा यानादिल। ज्याइवल्य प्रिमियर जूगु म्येया हे हालामि रत्नशोभा महर्जन व सज्जु मानन्धरं म्ये हाला: नं न्यंकादीगु खः। म्येयात जुगल डंगोल लसय् हनादीगु दु।



म्युजिक भिडियोया निर्देशन सुरेन्द्र मानन्धरं यानादीगु दुसा दृश्य सम्पादन ईन्द्र मानन्धरं यानादीगु दु। म्युजिक भिडियोलय् किरण जोशी व नेन्सी महर्जन अभिनय यानादीगु दु।

संचार क्षेत्र समावेशी दय्केत पत्रकार दबूया माग

नेवा: पत्रकार राष्ट्रिय दबुलिं थ्व हे वइगु चैत्र २५ गते जुइगु नेपाल पत्रकार महासंघया निर्वाचनय् समावेशी सञ्चार व मातृभाषाया पत्रकारिताया विकासया मुद्दाप्रति प्रतिबद्ध पत्रकारतय्त निर्वाचन याकेत इनाप या:गु दु। पत्रकार राष्ट्रिय दबूया ९क्व:गु स्थापना दिवस व शुक्रबा: मध्यपुर थिमिइ क्वचा:गु च्याक्व:गु दैमुंज्याय् ल्हवंगु विषयया आधारय् घोषणापत्र जारी यासें महासंघया निर्वाचनय् नेवा: पत्रकारया सहभागिता सुनिश्चित याय्त पहल यायगु

धा:गु खः। नाय: सुरजबीर बज्राचार्य व मूछ यान्जे सुनिल महर्जनया ल्हा:चिं दुगु घोषणा पत्रय् धयात:गु दु, ‘आदिवासी जनजाति, महिला, मधेशी, दलित, अल्पसंख्यक व सीमान्तकृत समुदायया पत्रकारतय् सहभागीता अप्वय्केगु लिसें समावेशी सञ्चारया मुद्दाप्रति प्रतिबद्ध पत्रकारयात निर्वाचन याकेत फक्व पहल याय्त इनाप यानाच्चना।’

घोषणापत्रय् नेपाली सञ्चारमाध्यमया अन्तर्वस्तुइ नेपालया विविधता प्रतिबिम्बित

जुइमा:गु व उकिया लागिं समाचारकक्षय् नेवा: लगायत आदिवासी जनजाति समुदायया समानुपातिक प्रतिनिधित्व जुइमा:गु, जनजाति सञ्चारकर्मीया क्षमता विकासया लागिं आवश्यक ज्याइव:त न्ह्याकेमा:गु उल्लेख यानात:गु दु। अथे हे, उगु हे घोषणा पत्रय् प्रेस काउन्सिलया इतिहासय् न्हापांगु खुसी नेपालभाषा व मैथिली भाषां आचारसंहिता प्रकाशन पत्रकार आचारसंहिताबारे सचेतना थनेत तिब: ब्यगु धयात:गु दु।

समावेशी ...

‘शुरुइ ५ लाखया आज्जु तया: स्थापना यानागु कोषय् आ: १६ लाख मुनेधुकल, २८ जिल्लाया ५३६ दुज:या लागिं थ्व धेबा अभ्र मगा:गु खनेदुगुलिं कोषय् आ: ५० लाख थ्यंकेगु आज्जुलिसें ज्या न्ह्याकागु दु’ दाभरिं श्रेष्ठ धयादिल। वरिष्ठ न्वकू नृपेन्द्रलाल श्रेष्ठ, महासचिव सुनील महर्जन दबूया विगतया ज्याइव:या चर्चा यासें सकसिगु सामूहिक कुतल पत्रकार दबू आ: संस्थागत रुपं बल्ला:गु दावी यानादिल।

ज्याइवल्य नेवा: पत्रकारिता क्षेत्रय् योगदान ब्यूपिं लिसें थ:थ:गु क्षेत्रय् सफलता चूलाकूपिं पत्रकारलिसें संचार गृहयात तर्क सम्मान या:गु खः। जनआस्था

वा:पौया प्रवन्ध सम्पादक वरिष्ठ पत्रकार राजेन्द्र स्थापितयात २० द्र: तका राशीया ज्ञानज्योति लक्ष्मीप्रभा सिरपा: ल:ल्हा:गु ख:सा नागरिककर्मी पत्रकार वृष्ण किसीयात १५ द्र: तका राशीया ज्ञानदेवी मणिरत्न स्थापित लुमन्ति पत्रकारिता सिरपा: बिल। अथे हे फोटो पत्रकारिताय् सक्रिय मिसा फोटो पत्रकार रेखा शाक्ययात १० द्र: तका राशीया बाबुराजा ज्यापु फोटो पत्रकारिता सिरपा:लिसें हंगु खः। बुद्ध धर्मया सन्देश व शिक्षा प्रचार प्रसारय् योगदान बियाव:गु बोधि टेलिभिजनयात १२ द्र: तका राशीया भिक्षु कुमार काश्यप लुमन्ति पत्रकारिता सिरपा: बिल। उत्तरी व दक्षिणी निगुलिं मोहडां सगरमाथाया सफल

आरोहण याना: वर्ल्ड बुक अफ रेकर्डय् नां च्वकेत सफल न्हापांम्ह व आ:तक्क छम्ह जक मिसा पत्रकार कल्पना महर्जनयात नं उगु ज्याइवल्य विशेष सम्मान या:गु खः। अथे हे, नेपाल सरकारया न्यूनतम पारिश्रमिक निर्धारण समितिया दुज: पदय् मनोनित नेवा: पत्रकार ऋषिकेश श्रेष्ठयात बधाईलिसें हंगु खः। सम्मानित सकसितं मध्यपुर थिमि नगरपालिकाया प्रमुख श्रेष्ठ दोसल्ला न्यय्कादिल सा वागमती प्रदेशया सांसद राजेश शाक्यं हनापौ ल:ल्हानादिल। उगु हे ज्याइवल्य वागमती प्रदेश सांसद शाक्य व मध्यपुर थिमि नगरपालिका प्रमुख श्रेष्ठ मंका: रुपं पत्रकार दबूया स्मारिका ‘लुमन्ति पौ’ या विमोचन नं यानादिल।

विद्यार्थीतय्त नि:शुल्क ट्राय्कसुट सेट व टिशर्ट वितरण



यें महानगरपालिका वडा १२ या ओन्दे सहयोगी हातहरू नांया पुच:पाखें विद्यार्थीतय्त ट्राय्कसुट सेट व टिसर्ट वितरण या:गु दु। समूहपाखें तेर्सैपानी (जीवनपुर), धादिङ्गस्थित त्रिकुटेश्वरी आधारभूत विद्यालयस ब्वनाच्चापिं विद्यार्थीतय्त नि:शुल्क ट्राय्कसुट सेट व टिशर्ट वितरण या:गु खः। ज्याइवल्य १६० विद्यार्थीतय्त वेंचुगु रंगया ट्राय्कसुट सेट व म्हासूगु रंगको टिशर्ट वितरण या:गु खः।

ट्राय्क सुट सेट व टिसर्ट वितरण

ज्याइवल्य धुनिवेशी नगरपालिका वडा ३ या वडाध्यक्ष प्रकाश हमालं समाजय् थुकथंया ग्वाहालिमि ल्हा: मदय्क मगा:गु धयादिल। विद्यालयया प्रधानाध्यापक कमल केसी संस्था मसलन्दया सामान ग्वाहालि याय्त स्व:गु व लिपा विद्यालयया इनाप कथं ट्राय्कसुट सेट व टिसर्ट ग्वाहालि या:गु धासें सुभाय् देखानादिल। ज्याइव: कजि सन्तकुमार महर्जन विद्यार्थीतय्के सकारात्मक सोचया विकास याना: ब्वनेज्याय् उत्साह थनेत थुकथंया ज्याइव: यानागु धयादिल।

१५क्व:गु किसिपिडी बुदोकैदो कराँते क्वचाल



नेपाल बुदोकैदो फूल कन्ट्याक्ट एसोशियसन किसिपिडी शाखाया ग्वसालय् १५क्व:गु राष्ट्रिय किसिपिडी बुदोकैदो फुल कन्ट्याक्ट कराँते धेंधें बल्ला: शनिबा: क्वचा:गु दु।

वंगु शुक्रबा: चन्द्रागिरी नगरपालिका प्रमुख घनश्याम गिरी उलेज्या याना: न्ह्या:गु धेंधें बल्लाखय् थीथी वेट क्याटगोरीया कासात क्वचा:गु खः। ज्याइवल्य वागमती प्रदेश सांसद रमा आलेमगर, चन्द्रागिरी

नगरपालिकाया उपप्रमुख लिसा नकर्मी, द्वन्द निर्देशक राजेन्द्र खड्गी लिसें नं कासाया त्याकामिपिन्त कप, मेडल व दसिपौ ल:ल्हा:गु ख:सा किसिपिडी शाखाया प्रशिक्षक चन्द्र महर्जन व मदन महर्जनयात सम्मान नं या:गु खः। शुक्रबा: उद्घाटनया इवल्य नगर प्रमुख गिरी स्वस्थ जीवनया निती कासा मदय्क मगा:गु धासें कासा व कासामिया मनोबल उच्च दय्कातय्त नगरपालिका न्ह्याबले न्ह्य:ने दइगु प्रतिबद्धता प्वकादिल।



नेवाः पत्रकार राष्ट्रिय दबू यँ जिल्लाया दैमुँज्या क्वचाल

नेवाः पत्रकार राष्ट्रिय दबू यँ जिल्लाया खुक्वःगु दैमुँज्या वंगु बुधवाः जुगु दु। जिल्लाया ज्याकु लखतीर्थय जुगु दैमुँज्याय पत्रकार राष्ट्रिय दबूया केन्द्रीय नायः सुरजवीर बज्राचार्य लकडाउनया इलय् यँ जिल्ला थः दुजःपित उपलब्ध याकूगु ग्वाहालि यँ जिल्लाया उच्च मूल्यांकन जुइगु धयादिल। दबूया केन्द्रीय न्वकू रचना श्रेष्ठ जिल्लाया वार्षिक प्रतिवेदन हे यँ जिल्ला याःगु ज्यात प्रमाणित जुगु

धासँ वयकल सही नेतृत्व हे संस्था बांलाःगु दिशाय न्हयज्याःगु धयादिल। जिल्लाया नायः अविन्द्रमान सिंह जिल्लाया भावी योजना न्यकुसँ यँ महानगरपालिका महानगर दुने स्थानीय पाठ्यक्रम नेपालभाषा लागू याःगुलि महानगर प्रमुख विद्यासुन्दर शाक्ययात नागरिक अभिनन्दन याय्गु तयारी दबुलि यानाचवनागु जानकारी बियादिल। थ्वहे चैत्र २४ गते वसन्तपुर दबुलिइ जुइगु

ज्याइवःयात सकसिन ग्वाहालि याय्त वयकल इनाप यानादिल। दबुलि बैशाख्य सानुकाजी स्मृति फुटसल व पत्रकारिता तालिम, जेठय् स्वयम्भूइ वृत्तचित्र क्यनेज्या व फोटो प्रदर्शनी याय्गु ज्याइवः न क्वःछिनातयागु वय् कल कनादिल। ज्याइवल्य् छ्याञ्जे रत्नकाजी महर्जन शाखाया वार्षिक कार्य प्रगति प्रतिवेदन न्हयब्वयादीगु खःसा दाभरि राजेन्द्र मानन्धर आर्थिक प्रतिवेदन न्हयब्वयादीगु खः।

सिँ आपुर्ति सहज जूसा पुनर्निर्माणया ज्या याकनं हे क्वचाइगु



२०७२ सालया तःभुखाच पाताः जुइक दुंगु मरुसतः अर्थात काष्ठमण्डप पुनर्निर्माण लिपांगु चरणय् थ्यंगु दु। चान्ह यानाः न्हयानाचवंगु मरुसतःया पुनर्निर्माणया ज्या लक्षित इलय् धाःसा सिमधइगु जुगु दु। काष्ठमण्डप पुनर्निर्माण समिति याःगु ज्याइवल्य् पुनर्निर्माणय् इवल्य् आःतक्कया प्रगति न्यकुसँ ज्या क्वचाय्त भचा लिबाइगु जानकारी ब्यूगु खः। समितिया कजि लिसें वागमति प्रदेश सांसद राजेश शाक्य मरुसतः

पुनर्निर्माणयात माःगु सिँ माक्व ल्याखय् आपुर्ति मज्गु हुनि ज्या छुं भचा लिबाइगु जानकारी बियादिल। सिँ आपुर्ति अभ सहज जुइगु लकस दयावसा पुनर्निर्माणया ज्या याकनं हे क्वचाइगु खँय् शाक्य बः बियादिल। यँ महानगरपालिकाया हे ग्वाहालि जुयाचवंगु पुनर्निर्माणया इवल्य् लकडाउन व निषेधाज्ञाया इलय् दथुइ ज्या धूम्रां स्वास्थ्य मापदण्डयात ध्यानय् तयाः ज्युतल्ले ज्या मदिकुसँ ज्या न्ह्याकातयागु न शाक्य धयादीगु दु।

ON METAL ARTS & CRAFTS
Specialized in Nepalese, Nepali and Tibetan Metal Crafts

T: +977-1-5531282 Res / 5251373 Workshop
M: 9841209586 / 9843516111
E: onmetal@live.com
W: www.onmetalart.com
www.facebook.com/onmetal

Hattiban, Bhapakhel-1, Lalitpur, Nepal

The Group of Traditional Repousse Art

IMAGE ATELIER
Traditional Art, Repousse Craft, Metal Work

T: +977-1-5263858
M: +977-9841261160
E: rajendra@imageatelier.com
imageatelier@gmail.com
W: www.imageatelier.com

Imadol-6, Lalitpur, Nepal

Creative
Traditional Metal Arts & Crafts

T: +977-01-5922772
M: +977-9841261161
E: rajendra@creativevenepalcraft.com
creative@gmail.com
W: www.creativevenepalcraft.com

Harsiddhi, Silauti, Lalitpur, Nepal

सुरेन्द्रभक्त श्रेष्ठ
उपत्यका प्रदेश कार्यसमिति सदस्य (आदिवासी/जनजाती)

नेपाल पत्रकार महासंघ
Federation of Nepali Journalist

नेपाल पत्रकार महासंघ उपत्यका प्रदेश समिति सदस्य (आदिवासी जनजाती) तर्फका उम्मेदवार **सुरेन्द्रभक्त श्रेष्ठ (क्रम संख्या ३)** लाई अत्यधिक बहुमतले विजयी गराउँछौं।

चैत्र २५ गते मतदान गर्दा सम्भन्नुहोस्!

नेपाल पत्रकार महासंघ उपत्यका प्रदेश समिति सदस्य (आदिवासी जनजाती)
उम्मेदवार **सुरेन्द्रभक्त श्रेष्ठ** यात अत्यधिक बहुमत त्याकेनू!

दीन, दुखी व असहायपिन्त निःशुल्क स्वास्थ्य सेवा प्रदान।
दानी, सुखी व सम्पन्नयात सशुल्क स्वास्थ्य सेवा वरदान।।

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निम्ति, असहायपिन्त जक निःशुल्क

उपलब्ध सेवा

२४ सै घण्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंग सेवा

शल्यक्रिया

- मोतिबिन्दु
- जनरल सर्जरी
- नहायप, नहाय, गपः
- हाड जोर्नी नशा
- पिसाव नलीया पत्थर बिना चिरफार

बहिरङ्ग सेवा

- मुटु ल्वय
- प्वाःया ल्वय
- युरोलोजी
- मिसा ल्वय
- मचा ल्वय
- वाया ल्वय
- मिसा ल्वय

अन्य सेवा

- जेसिङ्ग
- ईण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला
- जनरल मेडिसिन
- चर्म तथा यौन ल्वय
- नहायप, नहाय, गपःया ल्वय
- जनरल हेल्थ चेकअप
- थाइराइड व मधुमेह ल्वय
- चिकित्सा मनोरोगविद परामर्शदाता सेवा



**२४ घण्टा
ईमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२५७९९९, ४२६६२२९, E-mail: cfclinic@mail.com.np, www.free-clinic.org.np